

წელიწადი

წელიწადი

საქართველო ქუჩა

# გოსავალი



მარტოპოსტზე 14.

№ 16.

### შინაარსი:

ვ. რცხილაძე . . . . .	სსსტრელი ქვეყანა, (გარეულის თხზულებიან).	3
დ. ლ—ძე . . . . .	ჩვენი საწარმოების ექსპორტი (გაზიდვა) საზღვარგარედ . .	6
	ხილია საბაზროთ გადაჩევა . . . . .	9
გ. თაქთაქიშვილი .	ხესიდის გამხენებელთა საურადადებოდ . . . . .	12
ი. ახალაია . . . . .	ჩინური ჭინჭარი ან რამი . . . . .	14
„გოსავ“ წარმომადგენელი . . . . .	ფონდისის პასარი . . . . .	15





# სამეურნეო ჟურნალი

## მოსავალი

(იბეჭდება ორ კვირაში ერთხელ)

წარსულ წელს ჟურნალში დაიბეჭდა წერილები შემდეგი პირებისა: — ახოშვილი ვ., ანაზღელი, ახალაია ი., ბერეკაშვილი კ., გულბათიშვილი ვ., გვარამაძე კ., გორტ მაშვილი ვ., ელიაშვილი ზ., ვაჭრიშვილი ვ., თაქთაქიშვილი გ., თოიძე გ., იოსელიანი ე., კახელიძე ს., კარბელაშვილი ელ., კარაღელი ვ., მანაბელი ა., მდივანი დ., მჭედლიშვილი ვ., ნახურციშვილი გ., ონიკოვი კ., როლოვი ა., რცხილაძე ვ., რცხილაძე სტ. ვ., რცხილაძე სტ. გ., ფურცელაძე ი., ფალავანიშვილი დ., ქუთათელაძე ი., ქათამაძე მ., ქარცივაძე ვ., ყიფიანი პ., ჩივაძე გ., ცხადაძე გრ., ზუნდაძე ს., შავლიაძე პ., ჯანაშვილი მ., ჯიქია ლ., კახელი მევენახე, ჭემიონოვი ექიმი

რედაქცია მოელის თანამშრომლობას სხვებიდანაც.

### თანამშრომელთა საშუალებოვდ.

ჟურნალის შემოსავლიდან გაისტუმრება ხარჯი სტამბისა და კანცელარიისა, დანარჩენი (თუ რამე დარჩა) წლის დამლევს დაურთგდებათ თანამშრომლებს პროპორციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეამოკლოს. წერილები და კორექსონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზით არის აღმოუჩინოს „მოსავლის“ მკითხველებს ყოველ გვარი შეამაგლობა სამეურნეო იარაღებისა და მაშინების და აგრედვე ყველა სამეურნეო ნაწარმოების შექმნა-გასაღებაში.

**განცხადებები** დაიბეჭდება მხოლოდ უკანასკნელ გვერდზე. ჩვეულებრივი სტრიქონი (ვენური ან აკადემიური ასოთი) განცხადებისა ღირს **ორი შაური**.

წლიური აბონემენტებისათვის განცხადების ფასი რედაქციასთან შეთანხმებით.

განცხადების ფასი წინდაწინვე უნდა იყოს წარმოდგენილი.

რედაქცია ჟურნალის ხელისმომწერლებს წლის დამლევს **გაუგზავნის უფასოდ დამატება-ბროშურას** მეურნეობის რომელიმე დარგის შესახებ.

### შუხნალი წელიწადში ღირს 3 მანეთი.

რედაქციის ადრესი: Тифлиси, Барятинская, 5. «МОСАВАЛИ».

რედაქტორ-გამომცემელი მ. ი. რცხილაძე



## სანატრელი ქვეყანა\*)

(გარეულის თხზულებიდან)

ამერიკის შეერთებული შტატების სანეტარო მდგომარეობა შედეგა მათ მთავარ სამართველოს მოღვაწეობის, სამეურნეო სასწავლებლების ხალხზე გავლენისა და შტატებისაგან დაარსებული საცდელი მინდვრების დაუღალავი შრომისა და უანგარო მოქმედებისა. რომელია ამ სამში უფრო ძლიერი და მეტმნიშვნელოვანი, ძნელია ამისი თქმა და არც საჭიროა, რადგან მათი შეთანხმებული მოქმედებით გამოწვეული მათდამი საერთო ქება-დიდება კმარობს მათთვის.

შეიძლება მათ შესახებ ითქვას, რომ თითოეული მათგანი თავის ფარგალში ორივე დანარჩენებზე უკეთესია.

აწ არსებული შეერთებულ შტატებში ტყეებით სარგებლობა, ნიადაგების გამოკვლევა და გაუმჯობესობა, პურისა და სიმინდის ახალი ჯიშების შემუშავება, მაზარალეებელ მწერთა წინააღმდეგ ბრძოლა და სხვ მხოლოდ ამ 40 წლის წინად არის შემოღებული და ესოდენ უნაკლულაა დღეს იქ.

საცდელი მინდვრები შეადგენენ მთელი ხალხის ხელშეუხებელ საკუთრებას, თუმცა მეცნიერ პირთა კერძო გამგებლობის ქვეშ არიან და არც მთავარ სამართველოსთან სპობენ თავიანთ ურთიერთშორის დამოკიდებულებას.

მართალია, არც ერთი მეურნის აპეკუნობას არ კისრულობენ ეს საცდელი მინდვრები, მაგრამ ამავე დროს არც დახმარების აღმოჩენა ეზარებათ როცა მეურნეს ან მეურნეებს რამე გაუჭირდებათ ან არ იციან. აი სწორედ ეს დაუზარებელი დახმარება შეადგენს მათ მოქმედების ერთადერთ საფუძველს. საცდელი მინდვრების მიერ მოხდენილი ცდა-დაკვირვებანი და გამოკვლევანი, რომელნიც ამ დაწესებულებებს უხვევენ სახელს, ხოლო მთელ ხალხს კი მიანიჭებენ სიმდიდრესა და ბედნიერებას, ადვილად გაამდიდრებდნენ მინდვრების უფროსებსაც და მათ თანაშემწეებსაც, თუ კი ამ გზას პირადი სარგებლობისას დაადგებოდნენ ეს მოღვაწენი. ერთ წელიწადში აიღებდნენ ესენი იმდენს, რამდენის აღებას მთელი თავიანთი სიცოცხლე ვერ მოახერხებდნენ იმ მცირედი ჯამაგირით, რომელიც მათ ეძლევათ.

მართო ერთმა საცდელმა მინდორმა შეჭმატა თავის შტატს—ჩრდილოეთ დაკოტს, ათის წლის განმავლობაში ასა მილიონი მანეთით მეტი შემოსავალი—ათ-ათი მილიონი ყოველ წელიწადს—ხორბლელ მცენარეების თესვა-მოყვანის გაუმჯობესობით.

მოგვყავს ეს როგორც ერთი მრავალთაგანი მაგალითი.

საცდელი მინდვრები ჩვეულებრივ შეკავშირებულნი არიან შტატის უნი-

\*) იხილე „მოსახვალი“ № 15.





ვერსიტეტთან ანუ სამეურნეო სასწავლებელთან, რომელთა შიგან მოსამსახურე პირნი განაგებენ თვით საცდელი მინდვრის საქმეებსაც.

საცდელი მინდვრების მიზანსაცა და მოქმედებასაც საუკეთესოდ განმარტავს თვით ამ დაწესებულებებისაგან შედგენილი საზოგადო გეგმა.

ამ გეგმაში შედის ორიგინალური გამოკვლევების აღსრულება; მცენარეთა და ცხოველთა ფიზიოლოგიიდან უკვე მოხდენილი ცდების გამეორება და შემოწმება; ცხოველებისა და მცენარეების სატკივარ სენტა შესწავლა და მათგან გასანთავისუფლებელი საშუალებების გამოძებნა; სასარგებლო მცენარის ქიმიური გამოკვლევა მცენარის ზრდა-განვითარების სხვადასხვა ხანაში; მორიგეობითი თესვის გამოცდა სხვადასხვა მცენარეებისა; ახალი მცენარეების გაშენება უჩვევ ჰავასა და ნიადაგში; ნიადაგების და წყლების გამოკვლევა; ბუნებრივი და ხელოვნური სასუქების ქიმიური შემოწმება; მათი ზედგავლენა სხვადასხვა მცენარეების მოსავლიანობაზე; სხვადასხვა ბალახების გამოყენება საქონლის საკვებად; რძისა და ყველის მნიშვნელობის გამოკვლევა ხალხის ეკონომიურ ცხოვრებაში და ადგილობრივი მიწა-წყლის და ჰავის შესაფერი ზომების შემუშავება შტატის მეურნეობის ასაღორძინებლად.

ყოველ წლისა და წლის თავს საცდელი მინდორი ჰბეჭდავს ანგარიშს თავისი წლიური მოქმედებისას. გარდა ამისა წლის განმავლობაში სამ თვეში ერთხელ დაახლოებით საჭიროებისა და შეძლებისა დაგვარად დაწესებულება იგი ჰბეჭდავს მომხდარ გამოკვლევათა

შედევებს პატარ-პატარა ბიულეტენებით, რომელიც თითო ეკსპერიმენტით ეგზავნებათ ყველა გაზეთებს დასაბეჭდად და აგრედვე სხვადასხვა მეურნეებს თანახმად მათი სურვილისა.

ამ ბიულეტენებში მოყვანილია მრავალი პრაქტიკული რჩევა-დარიგება ხვნა-თესვის, საქონლის, მერძე-მეყველეობის, მევენახეობის, მებაღეობის, ერთი სიტყვით ყველა სამეურნეო დარგის მიმდევართა გამოსაყენებლად.

საცდელი მინდვრები დაუზარებლივ აძლევენ პასუხს ყოველ შემოკითხვაზე მეურნეობის შესახებ, რომელიც მოსდით მათ ათასი მხრიდან. ექვსას ათასზე მეტი ფოშტის ადრესი აქვთ ამ მინდვრებს ჩაწერილი სხვადასხვა მეურნეებისა და სამეურნეო დაწესებულებებისა მათგან მიღებულ კითხვებზე პასუხის მისაწოდებლად.

ყოველად შეუძლებელია დაახლოებით მაინც გაიზომოს ის სარგებლობა, რომელიც ამ საერთო რიცხვით სამოცს საცდელ მინდორს აქვს უკვე მოტანილი, მიუხედავად იმისა, რომ არც ისე მეტი ხანია გასული რაც ესენი არსებობენ.

საცდელი მინდორი ასწავლავს მეურნეს, რომელი სამეურნეო საქმე როგორ უნდა გაკეთდეს და ან რის გაკეთებას უნდა დანებდეს თავი.

ზოგჯერ რჩევას: აი ესა და ეს არ გააკეთო, უფრო მეტი სარგებლობა მოაქვს, ვიდრე რომელიმე საქმის შესრულებას.

უზომო სარგებლობა მისცა მთელ შტატებს, მაგალითად, მარტო იმის რჩევამ რომ მეურნე არ უნდა სთესავდეს ერთდაიგივე მცენარეს ერთდაიგივე ადგილზე ყოველ წლივ, რადგან ნია-





დაგი ამ შემთხვევაში უსათუოდ გამოიფიტება.

საცდელი მინდორი ეუბნება მეურნეს, რომ ესა და ეს მინერალური სასუქი აღარ იხმაროს, რადგან იგი საჭირო აღარ არის იმის ნიადაგსათვის, რომ მას ეხლა ერთი ათად ნაკლები ხარჯი დასჭირდება ნიადაგის გასაპოხიერებლად, რომ უფრო უკეთესი მოსავალი მიიღოს და სხვ. და სხვ.

**ვისკონსინის** საცდელმა მინდორმა **ბაბკოკის** მიერ გამოგონილი ცხიმის საზომავი იარაღის წყალობით რამდენიმე მილიონი მანეთი შექმატა მთელ ამერიკის ხალხს. არა ერთი და ორი მილიონი მანეთი მისცეს ამერიკას აგრედვე იმ საცდელმა მინდვრებმა, რომელიც პურისა და სიმინდის ჯიშის გაუმჯობესობას მისდევნ თესლის შერჩევით.

ზოგი ამ დაწესებულებათაგანი მუშაობს საქონლის სხვადასხვა ჯირისაგან განკურნებაზე, ზოგი ხეხილის ჯიშის გაუმჯობესობაზე, ურწყავ მამულების დამუშავებაზე, ზოგიც ფრინველების მოშენებაზე და სხვ.

ძნელად მოიპოება ისეთი დარგი მეურნეობისა, რომ მის წარმატებაში წილი არ ედოთ შეერთებულ შტატების საცდელ მინდვრებსაც.

ყოველი ცდა კეთდება აქ სპეციალისტის ზედამხედველობით, რომელიც მუდამ მზად არის გაუზიაროს თავისი ცოდნა სხვებსაც.

უზომო ზარალის აცილება შეუძლიანთ ამ საცდელ მინდვრებს თავიანთი რჩევით, თუ კი დროზე მიმართეს მეურნეებმა როდესაც რომელიმე რაიონს მაზარალებელ მწერთა შემოსევა მოეწიოს, ან საქონლის რამ სატკივა-

რია მოსალოდნელი, ან ხორბლებული მცენარეების, ბოსტნეულობის, ხეხილის დაზიანებაა შესაძლო და დავიანება აღარ შეჭყერის დახმარებას, მაშინ ამ რაიონისაკენ პირველისავე ორთქლის მატარებლით მიეშურება სპეციალისტი, რომელიც მისვლისათანავე უხსნის ხალხს შესაფერ საშუალებას.

ზოგჯერ სენი ძნელი ამოსაცნობია იქვე ადგილობრივ და მის წინააღმდეგ წაპლის სწავლება შეუძლებელი ხდება. ამისთანა შემთხვევაში სპეციალისტი ბრუნდება უკან და ყოველ ღონისძიებას ხმარობს, გამოძებნოს უტყუარი სახსარი მოსალოდნელი ზარალის ასაცილებლად თუ წლებობით არა საგაისოთ მაინც.

ღიადი საქმე ადვილად განირჩევა უბრალო მეცნიერული გამოკვლევისაგან შექმნილი კითხვით: იძლევა საქმე იგი რამე დახმარებას თუ არა?

ყოველ ასეთ შეკითხვაზე საცდელი მინდვრის მოქმედება გვარწმუნებს, რომ იქ მომუშავენი მუშაობენ იმიტომ კი არა რომ ვინმე გააკვირვონ თავიანთი მეცნიერული გამოკვლევებით, არამედ იმიტომ რომ გამოძებნონ პრაქტიკული რამ საშუალება, რომელიც გაუადვილებს ცხოვრებას კაცსა და დედაკაცს, ღიღსა და პატარას და მიანიჭებს ბედნიერებას მთელ მათ სამშობლოს.

ზოგი გამოკვლევა თხოულობს რამდენიმე წლის განუწყვეტელ შრომას; ზოგი დარიგება შედეგია ხანგრძლივი ცდისა და დაკვირვებისა, რომელსაც არ შორდებოდა მკვლევართ გონება არც დღე, არც ღამე და ბეჯითად უთვალყურებდნენ რამდენიმე კვირა, თვე, წელიწადი.





ხშირად შრომის შედეგი თითქო არა ღირს ხოლმე იმ წვალებად, რომელიც გაუწევიათ, რადგან დაუსკვნავთ მხოლოდ დამტკიცება იმისი რომ ესა და ეს ასე არ შეიძლება გაკეთდეს ან ასე არ უნდა გაკეთებულიყო.

ბევრი ხანი დასჭირდება ამისათვის, თუ ცოტა, სულ ერთია, ყოველი რჩევა-დარიგება, რომელიც კი საცდელი მინდვრისაგან წარმოსდგება, უნდა იყოს ფაქტებით ნაჩვენები და არა მარტო

თეორეტიული მიხედვრილობით დაქმნული. მხოლოდ ასეთ რჩევა-დარიგებას ეძლევა ხალხის ნდობა და განხორციელება სასოფლო მეურნეობაში.

ფრიად დიდი ამაგი დადეს საცდელ მინდვრებში თავიანთ უკვე განხორციელებრი მოქმედებით, მაგრამ ამაგი იგი შედარებით იმ სარგებლობასთან, რომელსაც მომავალში გამოვლის ხალხი მათგან, მაინც არაფრად ჩაითვლება ამ სანატრელ ქვეყანაში.

გ. რცხილაძე

## ჩვენი სამეურნეო ნაწარმოების ექსპორტი (გაზიღვა) საზღვარ გარეშად

იშვიათად შეხვდებით სადმე ქვეყანას, რომ ისეთი განსაკუთრებული გეოგრაფიული მდებარეობა ჰქონდეს, როგორც საქართველოს; ამასთანავე ისეთის ბუნებით და ზომიერი ჰავით იყოს დაჯილდოვებული ჩვენში ყოველნაირი მცენარეულობის გაშენება შეიძლება და თუ ცოტა შრომაც დაიხარჯა უხვი მოსავალიც არა იშვიათია.

გაკვირით ჩამოთვლით ჩვენი ქვეყნის სამეურნეო ნაწარმოებს: პური, სიმინდი, ლომი და სხვა ხორბლეული მცენარეები; ალარბელი ბოსტნეული მცენარეები და ხილეულობა; გარდა ამისა ტროპიკული მცენარეები, როგორც მაგალითად თამბაქო, ბამბა, ჩაი, ბრინჯი, ფორთოხალი, ლიმონი და სხვ. რომელთა ჩამოთვლაც შორს წაგვიყვანს. დანარჩენი სამეურნეო დარგებიდან განსაკუთრებული მნიშვნელობა აქვს ჩვენი ქვეყნისათვის ცხვრის მატყლს და აბრეშუმის პარკს, აგრედვე ტყის მასალას.

ყოველივე ზემოდ ჩამოთვლილ ნაწარმოებს ესაჭიროება **ბაზარი**, რომ გასაღება შეიძლებოდეს. უამისოდ შეუძლებელია მეურნეობამ იხიროს. ეს ორი ფაქტორი -- **წარმოება** და **გასაღება** მკიდრად არიან ერთიერთთან შეკავშირებულნი და ამ დამოკიდებულების შესწავლა პირველ საჭიროებას შეადგენს მეურნესათვის. ყოველი მეურნე, თუ უნდა რომ თავის ნაშრომით ისარგებლოს, უნდა იცნობდეს ბაზარს, უნდა იცოდეს თუ სად უფრო პირიან ფასებში გაჰყიდის თავის ნაწარმოებს და სად უფრო მეტ სარგებელს ნახავს. **ბაზარი** ორნაირია: **შინაური** და **საზღვარგარეთელი** (სახელმწიფოს საზღვრებს გარეშე მდებარე). ჩვენი მეურნე პირველ ყოვლისა დამოკიდებულია შინაურ ბაზართან. მაგალითად როდესაც ის ღვინის გაყიდვას ფიქრობს, მისი ყურადღება მიქცეულია შინაურ ბაზარზე. შინაური ბაზარი სჭირდება მას მოსავლის გასანაღებლად ღ სახელმწიფო გარდასახადების გასასტუმრებლად.





საზღვარ გარეთის ბაზრებზე საქონელის გატანა ჩვენ მეურნეს არ ეხერხება სხვადასხვა მიზეზებისა გამო, რომლებზედაც ქვემოთ გვექნება ლაპარაკი. რასაკვირველია სახეში არა გვაქვს აბრეშუმის პარკი, რომლის მთავარი მომხმარებელი საზღვარგარეთია და კიდევ დიდხანს იქნება.

მაგრამ თუ ჩვენ მწარმოებელს ეძნელება საზღვარ გარედ საქონლის გატანა ეს კიდევ იმას არ ნიშნავს, რომ საზღვარ გარედ არ გააქვთ საქონელი. **რაც ჩვენ მწარმოებელს არ შეუძლიან, ამას კისრულობს თითონ უცხოელი ადგილობრივი აგენტების და ჩარჩების დახმარებით.** ვინც ჩვენი ქვეყნის ეკონომიურ განვითარებას თვალყურს ადევნებს, ადვილად შეამჩნევდა უცხოელების ხშირ მსვლელობას ჩვენში. ბაქოში არსებობს გერმანული ფირმა სტუკენი და კომპანია, რომელსაც დღეს მატყლის საქმე ხელთა აქვს ჩაგდებული, დასავლეთ საქართველოში სიმინდის გაზიღვა საფრანგეთის ფრემას დრეიფუს და კომპანიას უჭირავს ხელთ, მთელი სოხუმის და შავი ზღვის ნაპირის თამბაქოს გაზიღვა საზღვარ გარედ ბერძნების ხელშია, აბრეშუმის გაზიღვასაც უმთავრესად ბერძნები ეწევიან. ამ დაბოლო დროს ჩვენ გადატაკებულ ქვეყნიდან ურიის აგენტებმა ქალების თმის გაზიღვაც დაიწყეს და ერთ გამოზიღვაზე 30000 მანეთის ქალის თმა გაყიდეს პარიზში. ამავე ურიების ხელშია კვერცხის და ბამბის გაზიღვაც. ამას გარდა გერმანიის, საფრანგეთის და ავსტრიის საზღვაო კომპანიებს ბათუმში ჰყავთ აგენტები, რომელნიც ყოველნაირ საქონელს გზავნიან საქართველოდან

და საერთოდ კავკასიიდან. **რეზოლუცია** ხელდათ ჩვენი ქვეყნიდან უცხოელები ეზიდებიან ჩვენ ნაწარმოებს და ჩვენ მხოლოდ ჩარჩებთან გვაქვს საქმე. ჩარჩები კი გვატყუებენ და მთელი მოგება მათ მიაქვთ. ასეთი მდგომარეობა, თუ იგი დიდხანს გაგრძელდა, ჩვენს ქვეყანას დააძაბუნებს ეკონომიურად და ამას შედეგათ ის მოჰყვება, რომ უცხოელები არამც თუ გაზიღვას, არამედ თვით წარმოებასაც დაიწყებენ ჩვენში. ეს მოვლენა უკვე მოხდა სამთა-მადნო წარმოებაში, ხე-ტყეს გატანაში. სვანეთის აუარებელ ხე-ტყეს დღეს ერთი იტალიელი ფირმა სჭრის და გააქვს ევროპაში.

უცხოელებს არ აქვთ ჯერ მოკიდებული ფეხი მეურნეობაში და უნდა ვეცადოთ, რომ აქაც არ წავგართვან პირველობა.

როგორც ამ მოკლე მიმოხილვიდან სჩანს, საზღვარგარედ ბევრი რამ გადის ჩვენი ქვეყნიდან. **ჩვენი ცდა იმაზე უნდა იყოს მიმართული, რომ ჩვენი ქვეყნის ნაწარმოები ჩვენვე გავიტანოთ ევროპის ბაზარზე.** ამნაირად ჩამოვიცლით იმ ჩარჩებს, რომელნიც ჩვენი უვიცობით და ჩვენი სიზარმაცით მდიდრდებიან. პირდაპირი დამოკიდებულება ევროპის ბაზრებთან გარდა ეკონომიური წარმატებისა კულტურულ დაახლოებასაც მოგვანიჭებს და ამნაირად ჩვენ ერსაც ჩააბამს საერთაშორისო ფერხულში. აი სწორედ ამაშია ჩვენი ხსნა და მხოლოდ ამით შეგვიძლიან გაეხდეთ სრული წლოვანი.

ვინ უნდა გაზიდოს საქონელი?

კერძო მწარმოებელმა და კოოპერაციებმა. კერძო მწარმოებლებიდან, რა-





ქართული  
საგარეო ვაჭრობის  
საზღვარგარეო

საკვირველია, მარტო მსხვილს შეუძლიან, რადგან მას საშუალება აქვს ბევრი საქონელი დაამზადოს ერთნაირი ღირსებისა. საზღვარგარედ გასატანად სწორედ ერთნაირ ღირსების საქონლის სიბევრისა აქვს მნიშვნელობა.

დიდი მნიშვნელობა ექნებათ გაზიდვაში აგრედვე კოოპერაციებს. ასეთი ტიპის ორგანიზაციები ჩვენში აქა-იქ არსებობენ და ახლო მომავალშიაც დაარსდებიან. ასეთ კოოპერაციებს შეუძლიანთ შეისყიდონ გლეხი-მწარმოებლისაგან საქონელი, რასაკვირველია, უფრო სვიდისიერად, ვიდრე ამას ჩარჩები სჩადიან და ამნაირად გაუადვილონ წვრილ მწარმოებელსაც საქონლის გასაღება.

იმ შეთხვევაში, როდესაც კერძო მწარმოებელს ან კოოპერაციას საკმაო თანხა აკლიათ, მათ შეუძლიანთ მიმართონ ბანკებს სესხისათვის და მოგროვილი საქონელი დაუგირაონ. ამაზე ყოველი ბანკი დათანხმდება განსაკუთრებით საჭიროა ამ შემთხვევაში ბათუმის ბანკების დახმარება, რადგან საზღვარგარედ საქონლის გაზიდვაც ბათუმის ნავთსადგურიდან წარმოებს. ფასები საქონელზე ყოველთვის ბათუმიდან უნდა ინიშნებოდეს და საქონელიც მყიდველს ბათუმში უნდა ჩაბარდეს. ზოგიერთ შემთხვევებში საჭირო იქნება, რომ გაგზავნის ხარჯი გამყიდველმა იკისროს, რადგან ეს მყიდველს უფრო გაუადვილებს საქმეს და უფრო დაინტერესებს საქონლის ყიდვაში.

საზღვარგარედ საქონლის გაზიდვა უფრო რთულია და ბევრ სიძნელესაც

წარმოადგენს, ვიდრე შინაურში. საჭიროა ენების ცოდნა, იმ ქვეყნების კანონების ცოდნა, სადაც საქონელი გაგაქვს, ბაზრების შესწავლა და მათი ავალ-ყურის დევნება. ყოველივე ეს ძნელია ცალკე მწარმოებლისათვის, განსაკუთრებით ჩვენში, სადაც არც შესაძლებელია ამ ცოდნის შეძენა და არც ბევრს აქვს ამის სურვილი.

ამისათვის „მოსავალი“-ს რედაქციას ეყოლება ლონდონში მუდმივი წარმომადგენელი, რომელიც დრო გამოშვებით გამოგზავნის ლონდონის და საერთოდ მთელი ევროპის ბაზრის შესახებ ცნობებს, განსაკუთრებით იმ საქონელზე, რომელიც ჩვენი ქვეყნიდან საზღვარგარედ იგზავნება. ესევე პირი შუამავლობას გასწევს იქაურ მყიდველსა და ჩვენებურ მწარმოებლის შორის. მსურველთ, ვისაც რაიმე საქონელი აქვთ გასასყიდი, უნდა მიმართონ „მოსაშვალი“-ს რედაქციას და უნდა წარუდგინონ ნიმუშები.

ამავე ნომერში იბეჭდება ლონდონის ბაზრის ანგარიში. ასეთი ანგარიშები ყოველ ნომერში დაიბეჭდება და ამნაირად ჩვენ მეურნეს შეძლება ექნება ბაზრის მდგომარეობა გაითვალისწინოს და ჩარჩების მოტყუებას ასცდეს.

შემდეგში ვეცდებით ჩვენს მკითხველებს გავაცნოთ საზღვარგარეთთან ვაჭრობის პირობები, საქონლის ღირსება, რომელსაც ევროპის ბაზარი თხოულობს და სხვა საჭირო ცნობანი.





ბუშელას. ერთხელ ნახმარი ხოკრები სჯობია მეორეთ აღარ იხმაროთ.

მუდმივი ტენიკური კომისია, უმოჩინოდ სთხოვს ყველა მამულის პატრონებს, თუ რაიმე ნაკლს იპოვ-

ნიან ზემო ჩამოთვლილ ხილის ჩაწვლა-გადარჩევის წესებში, შეატყობინონ საზოგადოების თავმჯდომარეს შემდეგის ადრესით: С.-П.-Бургекая фруктовая, чайная, винная и рыбная Биржа, С.-П.-Б. — Апраксинъ дворъ, здание Малаго Театра.

## ხეხილის გამშენებელთა საყურადღებოდ

ქართლში ხეხილის გაშენების საქმე მკვიდრ ნიადაგზე დგება.

ყველამ ხელი მოჰკიდა ამ მართლაც და ქართლისათვის დიდად სახირო საქმეს.

სანერგეთა რიცხვი გამრავლდა.

ესენი ველარ ასდიან მუშტარს, იმოდენი მოთხოვნილებათ.

მაგალითად: ფრიდონოვის სანერგეს ამ გაზაფხულზე აღარა ჰქონდა ვაშლის ნერგები, რადგან რაც ნერგი მოეპოვებოდათ, სულ დაკვეთალი იყო.

მაგრამ ერთი ვიკითხოთ, აკმაყოფილებენ ნერგთა გაშენებელი ყველა იმ პირობებს, რომელიც მათ მოეთხოვებათ და რაზედაც ამყარებენ ხეხილის მყიდველნი თავიანთ იმედებს?

სანერგეების მეპატრონეთა შორის დიდი ქიშპობა არის, ყველა ცდილობს, რაც შეიძლება ბლომად დაამზადოს საქონელი. ამასთან ყურადღებას აქცევენ ასორტიმენტის სიმრავლეს და გასაყიდ მასალის ტანადობას. მაგრამ ეს არა კმარა.

ძირი ნერგისა უნდა იყოს აღმოცენებული საღ არჩეულ ძალზე მწიფე ნაყოფის თესლისაგან, თვით დამყნისი ნერგი კი საღ მსხმოიარე ხეხილის ტოტისაგან.

სანამყენე კვირტი ან ყლორტი უნდა აირჩეს დასრულებულ მსხმოიარე ხის მალა გარეთა ტოტებიდან აღმოსავლეთ-სამხრეთ, სამხრეთ-დასავლეთის მხრიდან, ესე იგი ისეთი მხრიდან, რომელსაც მზე დიდხანს დაჰყურებს.

ჩრდილოეთის მხრის ტოტი საშენებლად უფარგისია. თვით ნაყოფი ჩრდილისა ნაკლებ არის შეფერილი, სიდიდით და სილამაზითაც ნაკლებია.

ხესაც თითქმის ყოველთვის ჩდილოეთის მხარეს მსხმოიარობა არ უფარგა. ეს ყველა მეურნემ იცის, ვინც ცოტათი მაინც დაჰკვირვებია. ტოტი, რომლიდანაც სანამყენე კვირტი უნდა აიკრას, კარგად უნდა იყოს შემოსული.


განა ასით მასალიდან შემზადებულ ნერგს მიაწვდის სანერგე?

მე არა მგონია.

'მარშან' შემოდგომაზე ერთი სანერგე დავათვალიერე. ორღენის რენეტის რიგში მდგარ თითო წლის ნამყენს ძირიდან ასე არშინსა და ერთ ჩარექზე ბოლოები ჰქონდა წაჭრილი.

ჩემ შეკითხვაზე მებადემ მიპასუხა, სანამყენე კვირტებად ავიღეთ, რადგან დიდი ხეების კვირტები აღარ გვეყოფო. თვით ნერგები ტანად მშვენიერები





იყვნენ, მაგრამ, ვეჭვობ, ასეთ კვირ-  
ტებიდან აღმოცენებულ ნამყენმა დი-  
დი ნაყოფიერობა გამოიჩინოს.

სანერგის პატრონები, მართალია,  
თავის კომერციულ ინტერესებს მისდევ-  
ვენ, მაგრამ ნუ დაავიწყდებათ, რომ  
ხეხილის ნერგით ვაჭრობა უბრალო  
ფარჩით აღებ-მიცემობა არ არის,  
როდესაც შეიძლება მუშტარს დაბალი  
საქონელი შეატყუო. უკანასკნელ შემ-  
თხვევაში ზარალს კაცი როგორც იქ-  
ნება გაუძლებს, მაგრამ რა პასუხს აძ-  
ლევს სანერგის პატრონი მეურნეს,  
რომელიც ნაყიდ ხეხილის დარგვასა  
და მოვლას დიდძალ შრომასა და ამავსა  
სდებს, გადის ათი-თხუთმეტი წლები,  
და ნაყოფს კი ვერა ჰხედავს მასალის  
უვარგისობისა გამო.

ხეხილით ვაჭრობა ფრიად კეთილშო-  
ბილური საქმეა და მოვაჭრეთ ჰმარ-  
თებთ კეთილ-სინიღისიერად მოეკიდ-  
ნენ ამ პატიოსან საქმეს.

ამასთან სანერგეთა პატრონები, მო-  
ვალენი არიან მყიდველს გამოჰკითხოზონ,  
რომელი ადგილისათვის სურს გასაშე-  
ნებელი ნერგი, მე ვგულისხმობ გა-  
მოუცდელ მეურნეთ, და იმის დაგვა-  
რად მიაწოდოს მასალა. ამისათვის ან  
თითონ უნდა გაუწიონ საქმეს პირდა-  
პირი ხელმძღვანელობა, თუ რასაკვი-  
რველია შესწევთ შესაფერისი ცოდნა,  
ან იყოლიონ ნასწავლი გამოცდილი  
მებაღენი, რომლებმაც ადგილობრივი  
ენა კარგად იცოდნენ, რომ უცოდინ-  
ნარ მუშტარს რიგიანი დარბევა მის-  
ცენ.

რაც შეეხება ნერგის ჯურათა სიმ-  
რავლეს, ეს პატრონთა სურვილია.  
რაც დიდი ასორტიმენტი ექნებათ,  
მით უფრო უკეთესი, ოღონდ ხეხილის  
ჯურას ერთმანეთში ნუ აურევენ,  
რაც თითქმის ყველა სანერგეებს ზშირად  
მოსდით ხოლმე.

**გიორგი თაქთაქიშვილი**


## ჩინური ჭინჭარი ან რამი

ვაზის შესაყელად საუკეთესო მასა-  
ლაა რაფი, მაგრამ მის სიძვირისა გამო  
მეტ წილ მეურნებს არ შეუძლიანთ  
რაფის შეძენა. ხშირად ვაზის მისაკვ-  
რელად და შესაყელად ხმარობენ ხის  
ანახადს ანუ ხარალს დაფნისას, ფურ-  
ცლისას, რომელთა ხმარება გამცდენ-  
იცი არის და მაზარალელებიც, რად-  
გან მეტად ხმება და ქარის წინააღმ-  
დეგ ვერ ამავრებს ვაზს კარგად. გარ-  
და ამისა გამხმარი ხარალი უჭერს ნორჩ  
შტოებს ვაზისას და აფერხებს მის გან-  
ვითარებას.

ვისაც რაფის შეძენა ეძნელება, რა-  
დგან ხარალით ვაზის შეყეღვა მავნე-

ბელია, ამიტომ ურჩევ მათ ჩინური  
ჭინჭარი გაიჩინონ და იმითი ყელონ,  
რადგან იგი ღირსებით არაფრით ჩა-  
მოუვარდება რაფს და გამძლეობა  
კიდე თითქმის უკეთესი აქვს. ეს ჭინ-  
ჭარი ან **რამი** მით არის კარგი რომ,  
რაკი ერთხელ დაირგვის მრავალ წლო-  
ნით არ ისპობა, ძირის დაყოფით მრავ-  
ლდება და თუ ნოყიერ მიწაში იქნა  
დარგული, წელიწადში ორჯერ მოი-  
ჭრება, რის გამო შესაყელ მასალას ბევრ-  
საც მიიღებთ და კარგს ღირსებისაც.  
რამი არა ხმება და არც იმტვრევა, რო-  
გორც ლაფანის და ფურცლის ხარალი  
და მასთან რბილიცაა.





რამისაგან შეიძლება ბაზარიც დაი-  
გრინოს, მაგარიც გამოდის.

დამუშავება რამს ასე უნდა. გადაბა-  
რეთ მიწა ნახევარ არშინზე და დარ-  
გეთ თებერვალში ჩინური კინკარი  
წკრე და წკრე თითო არშინის სიშორე-  
ზე ერთი წკრე მეორიდან.

თუ მიწა გამოფიტულია, გააპატი-  
ვეთ, რადგან მსუქან მიწაში უფრო  
მალალი იზრდება, რაც საჭიროა ვაზის  
შემოსაწვდენად. მოიჭრება კინკარი  
პირველად ივნისის გასულს და მეორედ

ოქტომბრის დამლევს. უნდა მოიჭრას  
კინკარი ძირში რაც შეიძლება.

მოჭრისათანავე ფოთოლი უნდა შე-  
მოაცალოთ დანით, ხარალი შემოაძ-  
როთ როგორც კანაფს და მზეზე გა-  
ფინოთ გასაშრობათ. შეგიძლიანთ  
იხმართ როგორც გამშრალი ისე ნედ-  
ლიც.

ჩინური კინკარის შეძენა შეიძლება  
სახელმწიფო ბაღებში და კერძო ბა-  
ღებშიაც.

ი. ახალაია

## ლონდონის ბაზარი

### თამბაქო

ამა წლის მაისში შემოტანილი იქმნა  
დაუმუშავებელი თამბაქოს ფოთლები  
(მოგვეყავს შესადარებლად უკანასკნელი  
სამი წლის ციფირები):

წელი	სხვა ქვეყნებში
1909 წ. . . 5,760,795 გირ.	879,886 გ.
1910 წ. . . 8,102,116 „	925,519 „
1911 წ. . . 6,535,390 „	756,337 „

როგორც ამ ცხრილიდან ხედავთ,  
ყველაზე მეტი თამბაქო ამერიკიდან  
შემოდის.

განსაკუთრებით ლონდონის ბაზარ-  
ზე ყალიონის და სიგარების თუთუნი  
შემოდის. ამ უკანასკნელ 4 წელიწად-  
ში ძლიერ გავრცელდა პაპიროზების  
წევა. პაპიროზის თუთუნი უმთავრესად  
ოსმალეთიდან და საბერძნეთიდან შე-  
მოდის. ამ ჟამად პაპიროზის თამბაქო-  
ზე დიდი მოთხოვნილებაა და ფასებმაც  
ძლიერ აიწია.

პაპიროზის თუთუნი უნდა იყოს **ღია**  
**ფერის** და **რბილი** (რადგან მაგარი თუ-

თუნის წევა არ უყვართ აქ), განსაკუ-  
თრებით მესამე ან მეოთხე ხარისხის  
თუთუნი.

ვინაიდან ოსმალეთში და საბერძნეთ-  
ში კარგი მოსავალი იქნება, როგორც  
იუწყებიან, ამიტომ მოსალოდნელია  
ფასების დაკლება. საჭიროა ჩვენმა  
მწარმოებლებმა დაუჩქარონ რომ სა-  
ქონელი პირიან ფასებში გასაღდეს.

**მაისის** დამლევს აქაურ საწყობებში  
დარჩენილი იყო 198,107,000 გირვან-  
ქა თამბაქო.

**აპრილის** დამლევს კი 200,363,000  
გირვანქა.

### ღორის ჯაზარი

ამ საქონელზე დიდი მოთხოვნილე-  
ბაა. გაურჩეველი იხმარება სხვადა-  
სხვა მიზნისათვის. ყველაზე ძვირი კი  
გარჩეული ჯაგარია, განსაკუთრებით  
**თეთრი**.

1-ლი ხარისხის (უნდა იყოს **სქელი**  
და **გრძელი**) ფასობს ადგილობრივ 3 მ.  
50 კ გირვანქა.





2-რე ხარისხის—1 მან. 20 კ. გირვანქა.

პირველი და მეორე ხარისხის ჯაგარი უნდა იყოს გადარჩეული და კონებათ შეკრული. წანააღმდეგ შემთხვევაში არ მიიღებენ. გარჩეული ერთი ფერისა უნდა იყოს.

ვისაც ეს საქონელი მოეპოვება უნდა გამოგზავნოს „მოსავალი“-ს რედაქციაში თითო ხარისხის 1 გირვანქა და შეატყობინოს რამდენი ფუთი აქვს ან რამდენი ფუთის დამზადება შეუძლიან და რამდენი ხნის განმავლობაში.

ამ საქონლის გასაღება ყოველთვის შეიძლება რამდენიც უნდა იყოს. საუკეთესო საქონელი შემოდის პოლონეთიდან და ჩრდილოეთ რუსეთიდან.

**თხილი**

დიდი მოთხოვნილებებია თხილისა. უმთავრესად შემოდის **ოსმალეთიდან** და **ესპანიიდან**. ღირსებით ესპანიის საუკეთესოა და ფასობს ადგილობრივ 2<sup>1</sup>/<sub>2</sub> ფუთი=15 მანეთი. იგივე ესპანიის თხილი თუ ხეკო აქვს შემოცლილი, ცარიელი გული ფასობს ადგილობრივ 2<sup>1</sup>/<sub>2</sub> ფუთი=30 მანეთი.

ოსმალეთის თხილი უფრო დაბალი ღირსებისა არის და ფასობს 2<sup>1</sup>/<sub>2</sub> ფუთი=12 მანეთი.

საინგილოში ძლიერ ბევრი ნიმილი მოდ-ს და საქიროა ვისაც სურს საქონლის გასაღება გამოგზავნოს რედაქციაში 10 გირვანქა თხილი ნიმუშად. თხილის გული უნდა იყოს **დიდი და მაგარი**, ამასთანავე თხილი უნდა იყოს ხმელი და ერთნაირი ღირსებისა. შეიძლება აქ გასაღება **თითო ფუთის ექვს მანეთად**. ნიმუშის გამოგზავნა უნდა შეატყობინოს რედაქციას რამდენი ფუთი აქვს გასასყიდი.

**ნიგოზი**

ნიგოზიც ძლიერ ბევრი საღდება. შემოდის უმეტეს ნაწილად **საფრანგეთიდან**. ფასობს ადგილობრივ **ერთი ფუთი ექვსი მანეთი** და **ათი შაური**. ქიანი არ უნდა იყოს.

განსაკუთრებით ამ დარგს უნდა იმერეთმა მიაქციოს ყურადღება. რადგან იქ ბევრი ნიგოზი მოდის. ვისაც გასასყიდი აქვს ნიგოზი, გამოგზავნონ რედაქციაში 15 გირვანქა ნიმუშად და მოიწერონ რამდენი ფუთი აქვთ გასასყიდი.

„მოსავალი“-ს წარმომადგენელი

ლონდონი.  
18/31 მკათაჟე 1911 წ.

**მოსავლის რედაქციაში იხილება შემდეგი ქართული წიგნები:**

- ვ. ი. რცხილაძე** კრებული არითმეტიკული ამოცანებისა (შეფრე ნაწილი) 50 კ.
- იმისივე** (თარგმანი) ქიმია პრ. როსკოსი (შეფრე გამოცემა) . . . . . 30 კ.
- იმისივე** საზოგადოებრივი ცხოვრების წარსულიდან და შვეიცარიის ძირითადი კანონები ფასი. . . . . 25 კ.
- იმისივე** „ბამბის თესლის მოყვანა“ (თარგმანი) . . . . . 5 კ.